


[www.BibleForChildren.org](http://www.BibleForChildren.org)

# Matyu 26



Pasa nã naa  
wõya nigin, naa  
sigis fau ibod mog,  
Jesus Betani wõ yen,  
an Lasarus ibodon, ã Jesusem  
laa bun tamal turĩ fiyen. Age de  
mog, Maria moul sumeĩ  
biya, hap lita nad nem  
dion, are moni odug nã  
anĩ yale fen, Jesus ye bun fi fel fen,  
fatiyam ye waĩ fen. Age fe di, moul  
sumeĩ biyam, fõ anĩ ino yalen.



Age ye di, Judas Iskariot, tuwelf anidi atun taka, Jesus kiwai ifen ken, pris odudug imeid bun inouf nigin wagedin ilen. Pris odudug idi od enĩ karĩ de, waud al fe fen, ã moni difeněf nigin dirokenen. Anĩ nigin, ã Jesus idi imeid bun inouf nigin naab imirek ilen.



Anĩ nigin, in dõ fiya tar, Jesus iron  
anĩ dõ de fen, Pasa saaf nigin  
dodok difen. Idi saaf dokon, Jesus  
bret yale, Negur de fiye ken, bret anĩ  
mumãf, in dõ fiya tar ifeneĩd fen, iron,  
“Bret enei waleg fen, wõg, eĩ neu  
bouwau.” Agef fen, ã kap yale, Negur  
de fiye ken, kap anĩ ifeneĩd fen, iron,  
“Ã ganan, enĩ bun wõg. Eĩ  
neu naudou bar  
itenẽya nigin,  
are tamo kayau  
musei mosor yalel  
kenẽdiyof nigin  
fi felef.”



“Simon, Simon, tamo wit biya ado wit ido foi fiya nigin age fedig gen, Satan ã āgenei momoiya kisi yeĩ fenē nigin to fen. Anĩ ere, aya, Simon õ nigin ogon momoiya to urofosiyouf nigin kosē aun. Anĩ nigin, sain õ kelouf, turã tar megeir wediyouf.”




Anĩ ere, Pita aiten yale iron, “Odug, aya õ ado kalabus bun ado, laa bun ileya nigin dodok afel.” Age ye di, Jesus iron, “Pita, aya õ arokonok, gama fau tataro kokorok yeya sã mog, õ wa fen, aya nigin keleĩ sã wo, towo wouf.”




Age de fen, Jesus in dō  
fiya tar geid, modoũ taka  
yana Getsemane dilen.  
An, ã idi irokenēdin, “Aya  
oun ele, kosē au mog,  
ein ubodōgouf.” Jesus  
iron, “Aba, Dei, ereb  
ereb ganan, õ age fiya  
kisi feleya. Kap enĩ  
walelkana. Anĩ ere, neu  
oroya anĩ to dō wo, on  
oroya dō wo.”



Anĩ nigin, Judas, kusĩ tamo tunĩ ado, tempel lo fiya  
tamo tunĩ pris mudur adodo Farisia tamo geid idim sur  
difedin anidi geif fen, kabier uyu ile di, dilen.  
Idi yal, lam, kusĩ nẽ waila guri de fen, dilen.  
Age de fen, idi takam, pris mudur  
ado nẽ ferfer weder biyalẽ anĩ  
salõf iran. Anĩ ere, Jesus iron,  
“Baban enei to ago gouf!”  
Age ye fen, ã tamo anĩ nẽ  
weder kobũf fen, el fiyen.



Idi Jesus dale, diroune ken, pris mudur ado nẽ fõ bun  
dirou dilen. Pita ã so rel fen, dumeid dõ fen. Anĩ ere,  
sain idi fofomala atun yã kũ de dibodon, Pita ãg  
an weim dibodon, Kabĩ  
kayau momoul taka,  
Pita yã sirin ibod  
mog, ilen.






Pris mudur nẽ ferfer taka, ã  
Pitam weder salõf iran nẽ sirag anim  
iron, “Aya õ ã urom kabier to ailiyeim  
de?” Pita baban waf mog, kaisã  
bagai tataro kokorok yen.  
Age fe di, ã mayarẽ ile fen, inã fatuk yalen.




Age de fen, guru fiya ganan fã de,  
Jesus Pailat bun dirou dilen. Anĩ  
nigin, Pailat Jesus to fiyen, “Õ Juda  
neid king de?” Jesus solof iron, “Are  
de yer, õ urok anĩ.” Pailat,  
Jesus yalishnẽya nigin  
baban total bagai  
irokenẽdin. Anĩ ere, idi  
baba baban diweig diron,  
“Aa tetek bun ãf!


Aa tetek bun ãf!”




Anĩ nigin, Pailat Jesus aa tetek  
bun dũf nigin, idi imeid bun inon.  
Anĩ nigin, kusĩ tamo Jesus  
dalen. Ĩ yogon aa tetek faali fe,  
modoũ Mudur Tuwan (Hibru od  
nem Golgota dedig) iselen.




An idi Jesus aa tetek bun dun, tamò uru  
idig, ã geid aa tetek bun didenen, idi  
urom si sitakã, Jesus atun.



Gaa atun tuwelf kilok age fiya bun, teneub ganam bun gugum kelef ile, tri kilok aragaun, ere nigin, gaa mala ifokelen. Age fe di, tempel nẽ gabar anĩ atusil serek fe, uru wõ yen. Jesus ait odug nem iweig iron, “Dei, neu uur õ imã bun anof.” Agef iro ken, ã oboi irour yalen.





Josef, Arimatea tamal, ã kaunsel  
neid odug taka, ã yogo anã  
Negur nẽ tano tari fen, ã  
kumã sã Pailat garan ile,  
Jesus bouwa buru  
yalouf nigin to fiyen.  
Age fe di, Josef  
gabar lalau na yale  
fen, bouwa buru

yaleis, gabar lalau  
anim sile fen. Agef fen,  
ã matmat sa bun ku  
dalen anã kur inenen.  
Gama ã meein wele fe  
di, matmat bobog  
katã felen.



Naa taka, Sabat naa nē dodok fiya naa  
anī bure fele di, pris odudug,  
Farisia tamo geid, Pailat  
wagen dilen. Idi diron,  
“Tamo Odug, amã karĩ  
maulef, idegēya tamo  
ĩ matan iyo ken, iron,  
‘Naa towo bure fele  
di, aya laa bun  
tamal,  
baban  
mata  
kel fã auf.’”




Anĩ nigin, idi dile, matmat bun meein  
teten wõ dũ dino fen, lo  
fiya tamo anĩ dinenen.



Sabat naa bure fele di, uub nã naa  
matu bun bonimei mumurei ado,  
Maria Magdala tamal, Maria  
taka ado matmat dilou fenẽ  
dilen.




Sain anĩ bun kaisã bagai, mimĩ total  
ado wõ yen, ere nigin, Odug nẽ  
engel saa ilun tamal isin,  
matmat bun ilen, meein  
welef yerin ile di, teten  
ibodon. Matmat lo  
difen tamo, idi ã nigin  
kumĩ de, tererẽ de  
fen, laa tamo gen  
denenan.




Engel kayau irokenēdin, “To kumī  
wog, ere nigin, aya kelei, ã Jesus  
aa tetek bun dun anī  
umirnēgef. Ī ein sā, ĩ iron  
kilei, mogo laa bun  
tamal mata kel fã yel.  
Usig fen, ĩ yenen  
modoũ uleg.”



Age ye di, kayau idi, kaisã bagai matmat  
ditor dilen, kumĩ den, anĩ ere, waud  
kuliya ado, Jesus nẽ dõ fiya tar  
dirokenẽdiyoyou fenẽ nigin gududu  
den. Age de mog, Jesus tarabã  
feid fen, iron, “Fel.” Idi ã wagen  
disin, in ye dirou fen, seli  
dabin.





---

Dum idi llewen, saaf doko dibod mog, Jesus idi bun  
wõ ye fen, ou fiyēdin, ere nigin, idi Jesus fã yel mog,  
dilen anĩ to momoi de fen, waud katĩ difelen nigin.  
Odug Jesus irokeneĩd bure fele di, Negur Jesus yale,  
saa ilun irou isel, Negur ima biyalē ibodok.



Negur, tamo kayau teneub enei bun  
ganan nigin fatuk wau laa fen nigin,  
yogon Naal tekelei bagai anĩ ifenẽdin,  
are taka ã, ã nigin momoi youf are, to  
fõ yalauf, mata faimud  
ibodkeleya adouf  
nigin age  
fen.



Rom 3:23

ere nigin, ganan mosor dinon, anĩ nigin, taka nem Negur fula fiya medeĩya bun ibodok ĩ wagen ileya kisi feleya sã.

Rom 6:23

Ere nigin, mosor mala, are laa, anĩ ere, Negur nẽ ege luwa, are neda Odug Kristus Jesus bun mata faimud ibodkeleya.

Hibru 9:27

Tamo ganan sain tekelei dogol gare douf, anĩ dumen, Negur es fediyouf.



## Efesus 2:8,9

Wau ifeněya bunem, ã momoiya bunem kel yaleyeyin, are aug bunem sã, Negur ně ege luwa ifenein, are kabĩ bunem sã, anĩ nigin, taka nem to yana yalesauf.

## Rom 10:9,10

Are õ ogon sigorom, “Jesus ĩ Odug,” wo fen, õ waũ bun, Negur ĩ Jesus tamo gare den bun tamal kel turĩ fiyen anĩ, momoi wouf are, õ kel yaleyõf. Are, taka ĩ wau bun momoi ye di, Negur ĩ madur bagai yef, age fe di, taka ĩ sigorom momoi auf ye di, Negurem ĩ kel yalouf.



Jon 3:16,17

“Negur, tamo kayau teneub enei bun ganan nigin fatuk wau laa fen nigin, yogon Naal tekelei bagai anĩ ifenẽdin, are taka ã, ã nigin momoi youf are, to fõ yalauf, mata faimud ibodkeleya adouf nigin age fen. Negur ã, yogon Naal teneub enei bun, tamo kayau es fediya nigin to sur fen, ã bunem tamo kayau teneub enei bun, kel gei fouf nigin sur fen.

1 Jon 5:11-13

Kurõ fesiya od are yeir. Negur ada mata ibodkeleya ifanadan, age fe di, mata enei are yogo Naal bun ibodok. Taka ã Naal ado, ã mata ado, taka ã Negur Naal sã, ã mata sã. Aya, ã Negur Naal nẽ yana nigin momoi gef anĩ, mata ibodkeleya ã bun ibodok anĩ, ã keleĩ youf nigin enei atotkeneik.



Matyu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Marik NT (dad) © 2011, Wycliffe Bible Translators, Inc.  
All rights reserved.

<https://www.bible.com/bible/349/MAT.1.DAD>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

